



Broj: UP1-01-12-MT-5-2/23
Sarajevo, 29.12.2023. godina

Na osnovu članka 23. stavak (1) Zakona o slobodi pristupa informacijama u Bosni i Hercegovini („Službeni glasnik BiH“, br. 61/23) (ZoSPI), članka 193. stavak (1) Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16) i točke 2. Rješenja kojim se imenuje službenik za informiranje Direkcije za europske integracije broj: 05/A-02-3-SB-1182/23 od 10.10.2023. godine, u predmetu pristupa informacijama, rješavajući po pisanom zahtjevu broj UP1-01-12-MT-5/23 udruženja Eko forum Zenica, Talića brdo 11, 72 000 Zenica doneseno je

R J E Š E N J E

Odobrava se zahtjev za pristup informacijama.

Žalba izjavljena protiv ovog rješenja ne odgađa njegovo izvršenje.

O b r a z l o ž e n j e

Udruženje Eko forum Zenica, Talića brdo 11, 72 000 Zenica, dostavilo je 27.12.2023. godine zahtjev za pristup informacijama kojim je tražena dostava tabele usklađenosti, te lista transponiranog *acquisa* EU i relevantnih propisa (zakonskih i podzakonskih akata) u oblasti okoliša koji su donijeti, dopunjeni ili izmjenjeni u periodu od 31.12.2021. do 31.12.2023. godine. U zahtjevu je navedeno da se odgovor može dostaviti na poštansku adresu ili elektroničkom poštom.

Zahtjev za pristup informacijama Direkcija za europske integracije je zaprimila 27.12.2023. godine i zavela ga pod brojem UP1-01-MT-12-5/23. Postupajući sukladno članku 26., stavak (1) Zakona o slobodi pristupa informacijama u Bosni i Hercegovini, utvrđeno je da je tražena informacija pod kontrolom Direkcije za europske integracije u smislu ZoSPI. Sukladno članku 23., stavak (1) i članku 25., stavak (1) doneseno je rješenje kao u dispozitivu.

Podnositelj zahtjeva informira se da u domenu usklađivanja zakonodavstva Direkcija za europske integracije obavlja provjere usklađenosti nacрта ili prijedloga propisa koje ministarstva i upravne organizacije dostavljaju Vijeću ministara Bosne i Hercegovine, te sudjeluje u aktivnostima izrade propisa koji se usklađuju sa propisima Europske unije. Također, Direkcija za europske integracije daje mišljenja na zakone i amandmane na zakone koji joj se u skladu s poslovnica domova Parlamentarne skupštine Bosne i Hercegovine dostavljaju na mišljenje o usklađenosti.

Ministarstva, drugi organi uprave, službe i institucije dužne su prije dostavljanja na razmatranje Vijeću ministara Bosne i Hercegovine propisa i drugih pravnih akata pribaviti mišljenje Direkcije za europske integracije, u skladu sa člankom V. Odluke o Direkciji za europske integracije („Službeni glasnik BiH“, broj 41/03). Također, na osnovu Odluke o postupku usklađivanja zakonodavstva Bosne i Hercegovine s pravnom stečevinom Europske unije („Službeni glasnik BiH“, br. 75/16, 2/18 i 32/23) utvrđena je obveza predlagatelja da uz nacrt/prijedlog propisa kojim se usklađuje zakonodavstvo Bosne i Hercegovine sa propisima EU, dostavi Direkciji za europske integracije i instrumente za usklađivanje (tabele usklađenosti i izjave usklađenosti) na provjeru i potvrdu usklađenosti.

Direkcija za evropske integracije analizira usklađenost nacрта/prijedloga propisa koji dolaze na mišljenje od naznačenih institucija i iz oblasti okoliša, te izrađuje mišljenja o usklađenosti nacрта/prijedloga pravnih propisa.

Iz Poglavlja 27. Okoliš i klimatske promjene za traženi period Direkcija za evropske integracije nije zaprimila zahtjeve za dostavu mišljenja o usklađenosti od strane institucija i drugih organa uprave Bosne i Hercegovine.

U svezi sa održavanjem sastanka molimo Vas da se javite Direkciji za evropske integracije za dogovaranje termina na email: Press@dei.gov.ba ili broj telefona 033 255 315.

Također, upućujemo Vas da se za podatke vezane za usklađivanje entitetskih propisa u oblasti okoliša i klimatskih promjena sa acqisem EU obratite Uredu za zakonodavstvo i usklađenost sa propisima EU Vlade Federacije BiH odnosno Ministarstvu za evropske integracije i međunarodnu saradnju Vlade Republike Srpske.

Shodno odredbama članka 28. stavak (4) Zakona o slobodi pristupa informacijama na razini institucija Bosne i Hercegovine („Službeni glasnik BiH“, broj 61/23) žalba izjavljena protiv ovog rješenje ne odgađa njegovo izvršenje.

Uputstvo o pravnom lijeku: Protiv ovog Rješenja podnositelj zahtjeva može izjaviti i predati žalbu Žalbenom vijeću pri Vijeću ministara Bosne i Hercegovine (adresa: Trg BiH 1, Sarajevo) u roku od 15 dana od dana prijema rješenja, a može se obratiti i Instituciji ombudsmana za ljudska prava Bosne i Hercegovine (adresa: Akademika Jovana Surutke 13, Banja Luka).

Prilog:

- kao u tekstu

Dostavljeno:

- podnosiocu zahtjeva

- a/a



SLUŽBENICA ZA INFORMIRANJE

Martina Trogrlić

Martina Trogrlić